



Il Volg da Rabius sto serrar

Adia, stizun dal vitg. Adia, plazzas da lavur – Ils 15 da december vegnan las portas serradas.

5



Bilantscha da la stagiun da bulieus

Betg uschè blers bulieus sco l'onn passà, ma tuttina anc ina detg pulita stagiun.

8

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuira, 081 544 89 10, redacziun@fmr.ch

■ ENGIADINA

La Platta da las strias a Sgnè

(fmr/bcs) La Platta da las strias tanter las fracziuns da Florins e Sgnè a Tarasp maina in ün viadi ed in ün muond misterius. La platta es circumdada d'üna saiv da lain cun culuonnas müradas cun crappa natürala immez il pas-ch da Sgnè. La platta muossa fouras curiosas e segns misterius. Co cha quella es nada nu sa ingün precis, da maniera chi dà bleras interpretaziuns chi's ba-

san sün dits ed anecdotes. La saiv culla genna d'eiran in ün fich nosch stadi, in möd cha la suprastanza dal cumün da vashins da Scuol ha laschè refar la saiv e la genna in lain vi da las culuonnas existentas. Ün banc da crap dasper la platta invida da tour plazza e da far impissamaints dals temps passats.

➤ PAGINA 7

■ SURSELVA



Viola Cadruvi ha presentau la gievgia sera siu emprend cudisch «La feglia dal Fraissen».

FOTO BARLA COLUCCELLO

Emprem cudisch da Viola Cadruvi

(fmr/sr) «La feglia dal Fraissen» ei il tetel digl emprend cudisch dall'autora Viola Cadruvi. La gievgia ha ella presentau quel ella Biblioteca cantunala a Cuera. Il cudisch cuntagn nov historias cuortas ed ina novella. Igl ei lectura tschaffonta, crimis e trillers che fan pial gaglina e vegnan sluccai cun descripciuns ni sce-

nettas da surrir. «Jeu hai plascher sche lecturas e lecturs ein schoccai dil cuntagn», ha Cadruvi declarau. Certas historias hagi ella propi scret culla finamira da provocar. Entginas figuras e lur destin fatschentan lecturas e lecturs aunc suenter haver legiu a fin la historia.

➤ PAGINA 3

■ GRISCHUN CENTRAL

Ideas per vacanzas alternativas

(fmr) Adina dapli turists èn a la tschertga da vacanzas alternativas. Il virus da corona ha anc rinforzà quist trend. Ord quella raschun ha il Parc Ela organisà ad Alvaschun in simposi per discurre dad ideas e visiuns da pernottaziuns che n'èn forsa betg uschè convenziunalas. La scol'auta da Lucerna ha elavurà

pliras variantas – e duas da quellas èn vegnidas preschentadas. Uschia per exempel ina chamonna ch'è construida cumplainamain da lenn e strom. Per la realisaziun dals projects èsi però magari difficil da survegnir ina lubientscha.

➤ PAGINA 8

Cultura sco potenzial economic

La cultura patescha da corona – profita dentant dal nov concept da cultura

DA MARTIN CABALZAR/FMR

■ La crisa da corona na tutga betg mo virulentamain la sanadad e l'economia, ella paralisescha er la vita culturala e sociala. Sco quai che la FMR ha rapportà il venderdi passà pateschan cunzunt era las activitads culturalas da las restricziuns decretadas pervi dal coronavirus. Entant che las activitads dals laics èn actualmain insumma scumandadas, èn producziuns da profis pussaivlas mo sut kundiziuns fitg limitadas e severas. Festivals, concerts, teaters, guidas ed exposiziuns planisadas ston vegnir annulladas en seria. Senza chant, musica, teater e festas profanas ed ecclesiasticas daventi calm e sul en noss vitgs ed en nossas valladas. I resta pauc auter che d'observar consequentamain las restricziuns sperond sin meglers temps. E tuttina datti actualmain er perspectivas positivas per la cultura. Il Cussegl grond ha



Senza chant e musica vegni calm e sul en noss vitgs ed en nossas valladas. FOTO THEO GSTÖHL, CHOR MISCHEDAU SEVGEIN

numnadamain acceptà in nov concept da cultura 2021-2024 che preveda investiziuns supplementaras d'annualmain trais miliuns a favur da la cultura. Profitar da quai augment pon tant pro-

fis sco laics e cunzunt era las regiuns, è vegni sincerà. Era ils turistichers paran d'avair scuvert la cultura sco grond potenzial turistic ed ils politichers èn vegnids concients che la cultura genere-

scha era ina gronda plivalur economica. La FMR ha discurre cun il minister da cultura dal Grischun Jon Domenic Parolini.

➤ PAGINA 2

«Igl era sco sche jau avess sprizzà botox per far svanir mias faudinas.»

Pieder Caminada ed il connex tranter purtar ina barba e purtar ina mascrina – Pagina 12

Passa 10 000 visitaders



FOTO SUSI ROTHMUND

(fmr/sr) Sco Johannes M. Hedinger, il curatur dalla «Art Safiental Biennale», ha declarau alla FMR duront la finissascha, ei la tiar'exposiziun d'art dalla Val Stussavgia ida a fin cun success e passa 10 000 visitaders. El ei engrazieivels che tuts events han – malgrad corona – saviu haver liug. La tematica «Analog-Digital» hagi survegniu in'actualitad nunplanisada. La scarsola sgu-lonta (mira foto) da René Odermatt e David Simon ei ni fake ni photoshop, in project ch'ei vegnius realisau duront la Alps Art Academy el rom da «Art Safiental Biennale» ed ha attratg l'attenziun dils visitaders. Pagina 11



10045

Servetsch d'abunents e da distribuziun: tel. 0844 226 226 mail: abo@somedia.ch